



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXVI. Nullitas Decreti Comitatus Nicien., & concordiæ cum Terra Villarii
inita super solutione ab Ecclesiasticis facienda.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

deputati, e fatti anco rivedere a persone legali, e da questi anco approvati, perciò doverà ogn'uno esser tenuto alla precisa osservanza di quanto in essi si contiene, sotto le pene in quelli espresse, e si doverà supplicare la Santità di Nostro Signore, acciò si degni confermarli con autorità Apostolica in amplissima forma, con la deroga delle Costituzioni, Ordinazioni, e Disposizioni Apostoliche, e particolarmente dello Statuto di Roma in qualsivoglia Capitolo, e parte di esso, che disponesse in contrario di quanto si è stabilito, ed ordinato nelli nostri presenti Statuti, e specialmente al *Capit. XLIII.* del Libro terzo di esso Statuto di Roma, quale fu anco derogato dalle sante memorie di Paolo Quinto, ed Alessandro Settimo a favore della nostra Università, e forse anco dagli altri Sommi Pontefici, acciò non si possino mai li presenti Statuti da veruna persona oppugnare a laude, e gloria di Sua Divina Maestà, e della Gloriosa Vergine Maria, e de' nostri Santi Avvocati, e Protettori Cosmo, e Damiano. Amen.

Consoli.

Antonio Bruner Consolè.
Francesco Romei Consolè.
Matteo Renzi Consolè.

Deputati.

Gio. Pietro Rossetti Deputato.
Pietro della Baja Deputato.
Bartolomeo Pierucci Deputato.
Domenico Borgiassi Deputato.
Filippo Maurizj Deputato.
Biagio Francesco Bartisti Deputato.

Preces Universitatis.

§. 2. Cum autem, sicut eadem expositio subungebat, dicti Exponentes Statuta hujusmodi quo firmiter subsistant, & serventur exactius Apostolicæ confirmationis nostræ patrocinio communitur summopere desiderant. Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodata existunt, ad effectum presentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinari, omnia, & singula Statuta præinserta auctoritate Apostolica tenore presentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

Confirmatio relatorum Statutorum.

Clausula.

§. 3. Decernentes, eadem presentes literas, & statuta præinserta, semper firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari: sicque, & non aliter in præmissis per quoscumque Judices Ordinarios, & Delegates, etiam Causarum Palatii Apostolici Auditores, ac Sanctæ Romanæ Ecclesiæ Cardinales, sublati eis, & eorum cuilibet quavis aliter judicandi, & interpretandi facultate, & auctoritate judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus sit, dictæ Urbis, nec non Universitatis, & Collegii prælatorum, aliisque quibusvis, etiam juramento, confirmatione Apostolica, vel quavis

firmitate alia roboratis statutis, & consuetudinibus; Privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem presentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ haberetur ipsis presentibus, si forent exhibitæ, vel ostensæ.

Datum Romæ apud Sanctum Petrum sub Anulo Piscatoris die XII. Maji MDCCXII. Pontificatus Nostri Anno Duodecimo.

Declarantur nulla Decretum a potestate Comitatus Nicien. editum, & concordia ab Ecclesiasticis cum Syndicis Terræ Villarii inita super solutione onerum Laicalium, cum pœnis in contravenientes.

CXVI.

Const. ed. 1711. Jul. 28. P. 11. nulla declarata sive Decreta Magni Consilii Varaviae super eadem solutione. Et Const. ed. 1718. Dec. 10. P. 19. declaratur nullus Tractatus Pacificationis inter Abbatem S. Galli, & Magistratum Bernensem & Tigurinum.

CLEMENS PAPA XI.

Dat. 9. Julii
1712. An. 12.

Ad futuram rei memoriam.

CUM sicut accepimus, habito per Syndicos Terræ, seu Locî Villarii Nicien. Diocesis ad Laicalem potestatem Civitatis, & Comitatus Nicien. recursum ad hoc, ut Ecclesiastici dictæ Terræ ad Talliarum, & aliorum onerum Laicalium solutionem ratione bonorum per eos possessorum sub pœna, in eventu quo repugnant, executionis Militaris, obligarentur, die 26. Aprilis proxime præteriti iidem Syndici Rescriptum, seu Decretum ab eadem Laicali potestate obtinuerint, quo præcipitur, ut Ecclesiastici prædicti Tallias, & onera Laicalia hujusmodi pro rata non solum per ipsos acquiritorum, verum etiam suorum patrimonialium bonorum, juxta reparationem per Consules Universitatis dictæ Terræ faciendam persolvant, & successive ipsi Ecclesiastici cum Syndicos prædictos ad exactiorem Talliarum, & onerum Laicalium præfatorum pro rata bonorum per eosdem Ecclesiasticos possessorum vigore Rescripti, seu Decreti prædicti etiam sub minis ad eam per viam procedendi omnino devenire paratos viderent, ut executionem hujusmodi, omnemque aliam vim, quæ sibi a Laicali potestate, & Sindicis prædictis inferri possent, evitarent, quamdam cum eisdem Sindicis conventionem inierint, per quam se ad solutionem ratæ partis Talliarum, & onerum Laicalium prædictorum eos tangentis ratione bonorum per eos possessorum, etiam patrimonialium iisdem modo, & forma, quibus illa Laici pro suis bonis persolvunt, faciendam obligarunt; ea adjecta conditione, ut casu, quo dicta eorum bona a Talliis, & oneribus hujusmodi immunia, & a Collectis exempta declarari, hancque declarationem a Principe Laico acceptari contingeret eorumdem Ecclesiasticorum obligatio hujusmodi cessaret, ipsique in posterum Tallias, & onera Laicalia

Decretum præd. concessum Syndicis Villarii, quo cogent Ecclesiasticos ad solutionem pro bonis a se possessis.

Concordia cum Syndicis inita ab Ecclesiasticis minis perterritis.

prædicta

Causæ præ-
sentis decla-
rationis.Declaratio
nullitatis
prædictor.
omnium cum
eorundem
revocatione.Pœnæ in ex-
cutores De-
creti, & Con-
cordiæ.

prædicta solvere minime tenerentur: Id tamen, quod a dicta Univerſitate uſque ad tempus declarationis huiusmodi exactum forſan foret ab eadem Univerſitate reſtitui non deberet, attento quod jam nunc pro eo tempore id totum a dictis Eccleſiaſticis ipſi Univerſitati dono gratuito concedebatur, prout in Reſcripto, ſeu Decreto, ac conventione præfatis, quorum tenores non approbandi, ſed penitus, & omnino reprobandi animo præſentibus pro plene, & ſufficienter expreſſis, & inſertis haberi volumus plenius reſpectively continetur; Præſatum vero Laicalis poteſtatis Reſcriptum, ſeu Decretum, necnon prænarata Eccleſiaſticorum conventio, & obligatio Sacrorum Canonum, & Conſtitutionum Apoſtolicarum diſpoſitioni manifeſte adverſentur, ac libertatem, & immunitatem Eccleſiaſticam ſummopere lædant. Hinc eſt, quod Nos, qui Jurium Eccleſiaſticorum Aſſertores in Terris a Domino conſtituti ſumus, Eccleſiaſticam libertatem a temerariis, ac pernicioſis huiusmodi conatibus illaſam tueri, ac conſervare, necnon graviſſimis, quæ ei per exactiorem, & ſolutionem Talliarum, & onerum Laicalium prædictorum forſan adhuc non inceptam inferri poſſent præjudiciis, quantum nobis ex alto conceditur occurrere cupientes, ac omnium, & ſingulorum præmiſſis tam ab Eccleſiaſticis, quam a Laicali poteſtate, & Syndicis, aliisque ſupra dictis per ſe, vel alios quocumque quomodolibet actorum, & geſtorum ſeriem, cauſas, & occaſiones, aliave quælibet etiam ſpecificam, & individuan mentionem, & expreſſionem requirentia præſentibus pro plene, & ſufficienter expreſſis, ac exactiſſime, & accuratiſſime ſpecificatis habentes, Motu proprio, & ex certa ſcientia, & matura deliberatione, deque Apoſtolicæ poteſtatis plenitudine tam Reſcriptum, ſeu Decretum a Laicali poteſtate editum, quam conventionem a dictis Eccleſiaſticis cum prænarata obligatione irritam, ut præſertur cum omnibus, & ſingulis in eis contentis, ac inde ſecutis, & quodcumque ſecuturis penitus, & omnino nulla, invalida, & irrita, nulliusque roboris, & momenti, vel efficaciz eſſe, & ab initio fuiſſe, & perpetuo fore, tenore præſentium decernimus, & declaramus; Et nihilominus ad majorem cautelam, & quatenus opus ſit, illa omnia, & ſingula, quatenus de facto proceſſerunt, motu, ſcientia, & poteſtatis plenitudine paribus harum ſerie itidem perpetuo revocamus, caſſamus, irritamus, & annullamus, viribusque, & effectu, itaut nullum unquam præjudicium etiam minimum dictis Eccleſiaſticis, aut libertati, & immunitati Eccleſiaſtica inferre, vel alias nocere, ſeu intuliſſe, vel nocuiſſe quoquo modo dici, cenſeri, prætendi, vel intelligi poſſint, penitus, & omnino vacuumus in omnibus, & per omnia, perinde acſi nunquam facta fuiſſent, nec eveniſſent, neque unquam fierent, vel evenirent, illaque eorundem tenore præſentium damnamus, & reprobamus.

§. 1. Quo circa dictæ Univerſitati, illiusque Syndicis prædictis, ac Officialibus, & aliis Miniſtris quibuſcumque ſub cenſurarum, & aliis per Sacros Canones, & Conſtitutiones Apoſtolicas inſiſtis Eccleſiaſticis pœnis; Omnibus vero, & ſingulis Eccleſiaſticis prædictis in virtute ſanctæ obedientiæ, ac ſub ſuſpenſionis, & excommunicationis ipſo facto incurrendis pœnis diſtrictè prohibemus, & interdiciamus, ne irritorum, & invalidorum Reſcripti, ſeu Decreti, ac Conventionis, & obligationis huiusmodi vigore, dicti quidem Univerſitas, & Syndici, aliique Officiales, & Miniſtri Tallias, & onera Laicalia prædicta a prædictis Eccleſiaſticis exigere; ipſi vero Eccleſiaſtici illa, vel aliam quacumque ſummam ſub quovis titulo, aut prætextu, ſolvere

abſque noſtro, & huius Sanctæ Sedis beneplacito audeant quomodolibet, ſeu præſument; ſalvis tamen, ac firmis remanentibus aliis quibuſcumque cenſuris, & pœnis Eccleſiaſticis, quas præfati, & alii omnes in præmiſſis, quæ hæcenus acta fuerunt, culpabiles propter eadem præmiſſa quovis modo incurrerunt, a quibus non niſi a nobis, aut Romano Pontifice pro tempore exiſtente, poſt debitam Eccleſiæ præſentiam ſatisfactionem (præterquam in mortis articulo, & tunc cum reincidentia in eaſdem cenſuras eo ipſo quo convaleſcant) abſolvi, & liberari valeant.

§. 2. Decernentes etiam eaſdem præſentes literas, & in eis contenta quæcumque, etiam ex eo, quod prædicti, & alii quicumque in præmiſſis intereſſe habentes, ſeu habere quomodolibet prætendentes, cujuſvis ſtatus, gradus, ordinis, præminentiz, & dignitatis, & alia ſpecifica, & individua mentione, & expreſſione digni illis non conſenſerint, nec ad ea vocati, citati, & auditi, neque cauſæ, propter quas præſentes emanarint ſufficienter adductæ, verificatæ, & juſtificatæ fuerint, aut ex alia quacumque quantumvis juridica, & privilegiata cauſa, colore, prætextu, & capite, etiam in corpore juris clauſo, etiam enormis, enormiſſimæ, & totalis læſionis, nullo unquam tempore de ſubreptionis, vel obreptionis, aut nullitatis vicio, ſeu intentionis noſtræ, ſeu intereſſe habentium conſenſus, aliave quolibet etiam quantumvis magno, & ſubſtantiali, ac incogitato, & inexcogitabili, individuanque expreſſionem requirentem defectu notari, impugnari, infringi, invalidari, retractari, ad terminos juris reduci, ſeu in controverſiam vocari, aut adverſus illas aperiſionis oris, reſtitutionis in integrum, aliudve quodcumque juris, facti, vel gratiæ remedium intentari, vel impetrari, ſeu impetrato, aut etiam motu, ſcientia, & poteſtatis plenitudine paribus conceſſo, vel emanato quempiam in iudicio, ſeu extra illud uti, ſeu ſe juvare poſſe, ſed ipſas præſentes literas ſemper firmas, validas, & efficaces exiſtere, & fore, ſuoſque plenarios, & integros effectus ſortiri, & obtinere, ac ab omnibus, & ſingulis ad quos ſpectat, & pro tempore quodcumque ſpectabit inviolabiliter obſervari: Sicque, & non aliter in præmiſſis per quocumque Judices Ordinarios, & Delegatos, etiam Cauſarum Palatii Apoſtolicæ Auditores, ac S. R. E. Cardinales etiam de Latere Legatos, & Sedis prædictæ Apoſtolicæ Nuncios, aliave quolibet quacumque præſentia, & poteſtate fungentes, & functuros, ſublata eis, & eorum cuilibet quavis aliter iudicandi, & interpretandi facultate, & auctoritate iudicari, & deſiniri debere; ac irritum, & inane ſi ſecus ſuper hiſ a quocumque quavis auctoritate ſcienter, vel ignoranter contigerit attentari.

§. 3. Non obſtantibus præmiſſis, ac quatenus opus ſit noſtra, & Cancellariæ Apoſtolicæ Regula de jure quaſito non tollendo, aliisque Apoſtolicis, ac in Univerſalibus, Provincialibusque, & Synodalibus Conciliis, editis generalibus, vel ſpecialibus Conſtitutionibus, & Ordinationibus, aliisque quibuſvis etiam juramento, confirmatione Apoſtolica, vel quavis firmitate alia roboratis ſtatutis, & conſuetudinibus etiam immemorabilibus; privilegiis quoque, Indultis, & literis Apoſtolicis quibuſvis perſonis, etiam quacumque Eccleſiaſtica, vel mundana dignitate fulgentibus, & alias quomodolibet qualificatis, ac ſpecialem expreſſionem requirentibus ſub quibuſcumque verborum tenoribus, & formis, ac cum quibuſvis etiam derogatoriis derogatoriis, aliisque efficacioribus, efficaciffimis, & inſolitis Clauſulis, irritantibusque, & aliis Decretis, etiam motu, ſcientia, & poteſtatis plenitudine paribus, ac conſiſtorialiter,

& alias

Clauſulæ.

& alias quomodolibet in contrarium præmissorum concessis, & quantiscumque vicibus, confirmatis, approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, iisdem præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum harum serie specialiter, & expresse motu, scientia, deliberatione, & potestatis plenitudine paribus derogamus, ac plenissime derogatum esse volumus, cæterisque contrariis quibuscumque.

§. 4. Volumus autem, ut earumdem præsentium literarum transcriptis, seu exemplis, etiam impressis, manu alicujus Notarii publici subscriptis, & sigilo Personæ in Ecclesiastica dignitate constitutæ munitis, eadem prorsus fides ubique locorum tam in iudicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die IX. Julii MDCCXII. Pontificat. nostri anno Duodecimo.

CXVII.

Confirmatur Decretum Card. Protectoris de servanda æqualitate Cœnobiorum, & Officiorum inter duas Custodias Provinciæ Turonen, Fratrum Capuccinorum.

Inn. XI. Const. ed. 1679. Feb. 10. P. 3. unita fuere nonnulla Cœnobia Custodiæ Campaniæ. Hujus Pontificis Const. ed. 1711. Jan. 11. P. 11. Provincia Insulen. dividitur in duas Custodias. Et Benedict. XIII. Const. ed. 1729. Feb. 21. P. 5. statuitur alternativa in Provincia Brixien.

CLEMENS PAPA XI.

Ad futuram rei memoriam.

EXponi nobis nuper fecit dilectus filius Timotheus de la Fleche Frater expresse professus Ordinis Minorum S. Francisci Capuccinorum nuncupatorum, quod ad tollendas dissensiones inter dilectos filios Fratres Provinciæ Turonen. dicti Ordinis exortas Venerabilis Frater noster Nicolaus Episcopus Portuen. S. R. E. Card. Acciajulus nuncupatus ejusdem Ordinis apud Nos, & Sedem Apostolicam Protector vigore facultatis sibi per rescriptum nostrum die 14. Junii 1709. attributæ Decretum edidit tenoris, qui sequitur: Nos Nicolaus Divina miseratione Episcopus Portuenfis S. R. E. Card. Acciajulus apud S. Sedem Ordinis Fratrum Sancti Francisci Capuccinorum Protector.

§. 1. Cum per Provinciale, & Custodes Provinciæ Turonenfis Ordinis Capuccinorum in Capitulo Generali existentes SS. D. Nostro Clementi XI. fuerit expositum, quod ad pacem, tranquillitatemque communem totius dictæ Provinciæ plurimum conferre possit conservandam, si ipsa Provincia, quæ ex duabus est composita Custodiis, nempe Aurelianensî, & Pictaviensî assignato utrique Custodiæ æquali Conventuum, ac etiam parî Superiorum, & Guardianorum, numero, duo Diffinitores ex una, & duo ex altera; Minister vero Provincialis alternatim modo ex una, modo ex altera Custodiâ eligeretur, qui totam Provinciam gubernaret, & ipsi Patres Turonenfes in Capitulo eorum Provinciali celebra-

to die 18. Maii anni 1708. in Conventu Rupellensi hoc negotio per vota secreta Capitularium prius examinato sortiti fuerint ejusdem Capituli approbationem, & ratihabitionem, imo ad aliqualem praxim reducerint, cumque Sanctissimus prædictum negotium examinandum demandaverit Diffinitorio Generali in Capitulo Generali congregato, quod, re discussa censuit (*si ita Sanctitati Suae placuerit ad pacem, tranquillitatemque intentam posse valide conferre*) quibus omnibus per Procuratorem Ordinis eidem Sanctissimo representatis, placuit Sanctitati Suae sub die 14. Junii Nobis super tale negotium, preces expositas remittere, ut id statueremus pro nostro arbitrio, & prudentia, quod magis in Domino expedire censeremus. Idcirco Nos virtute facultatis, & auctoritatis a Sanctitate Sua Nobis in hac parte specialiter attributæ dicimus, & declaramus, primo non licuisse Capitularibus in Conventu Rupellensi congregatis ad praxim reducere propositam in tali Capitulo tam Conventuum, quam Superiorum Guardianorum designationem duorum Diffinitorum ex una, & duorum ex altera, & Ministri Provincialis modo ex una, modo ex altera Custodiâ restrictam electionem, & alia hujusmodi, quæ etsi bona fide (ut credere juvat) potuerunt irrepsisse, ne tamen ex infecta radice unquam possint in suspicionem infectionis venire, & dici cæteræ electiones, & provisiones in dicto Capitulo factæ. Nos eadem auctoritate supra nobis attributa, quatenus opus sit omnia sanamus, & sanata declaramus, abolito tamen prius omni Decreto quomodolibet per Patres Turonenfes edito libertati electionum Canoniarum contrario, & eadem auctoritate, qua supra concedimus præfatæ Provinciæ Turonenfi, ut in Capitulis Provincialibus in posterum celebrandis propositam tam Conventuum, quam Guardianorum designationem duorum Diffinitorum ex una, & duorum Ex-Diffinitorum ex altera, necnon Ministri Provincialis alternatim modo ex una, & modo ex altera Custodiâ electionem ad praxim reducere tanquam paci, & tranquillitati communis totius Provinciæ plurimum profuturam possint, & valeant, ita dicimus, declaramus, decernimus hoc, & omni &c. Datum Romæ in nostro Palatio die 10. Julii 1709. -- Nicolaus Episcopus Portuenfis Cardin. Acciajulus Protector -- Ita est Card. Acciajulus Protector.

§. 2. Cum autem, sicut eadem expositio subjungebat dictus Timotheus Decretum hujusmodi, quo firmiter subsistat, & servetur exactius Apostolicæ confirmationis nostræ patrocinio communiri summopere desideret: Nos ipsius Timothei votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes supplicationibus ejus nomine Nobis super hoc humiliter porrectis inclinati de Venerabilium Fratrum nostrorum Sanctæ Rom. Ecclesiæ Cardinalium negotiis, & Consultationibus Episcoporum, & Regularium præpositorum, qui dilectum pariter filium modernum Procuratorem Generalem dicti Ordinis super præmissis audiverunt, & sententiam ejusdem Nicolai Episcopi Cardinalis, & Protectoris attenderunt, consilio, præinsertum ejus Decretum, omniaque, & singula in eo contenta auctoritate Apostolica, tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

Preces Patris
Timothei de
la Fleche.

Confirmatio
relati Decre-
ti.

Dat. 13. Sept.
1712. An. 12.

Decretum
præd. quo
statuta fuit
inter ambas
Custodias
æqualitas
jam antea in
Capitulo Pro-
vinciali 1708.
ac Generali
ad tollendas
dissensiones
approbata,
& executioni
mandata.